

**CENTRALNA BANKA
BOSNE I HERCEGOVINE
Broj: 150-15-4-512-16/20 MM
Sarajevo, 28.07. 2020. godine**

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (I) i člana 45. stav (I) Pravilnika o javnim nabavkama, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine donosi

O D L U K U
o izboru najpovoljnijeg ponuđača u postupku javne nabavke usluga – izrade projekata za LOT 1 i LOT 2

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga – izrade projekata, dodjeljuje ponuđaču Urbing d.o.o. Sarajevo za sljedeće LOT-ove:

- a) LOT 1 - izrada projekta za sanaciju mokrih čvorova na zapadnoj strani objekta u Maršala Tita u svemu prema ponudi broj: 6-TP/20 od 22.06.2020. godine,
- b) LOT 2 - izrade projekta za rekonstrukciju prostorije u kojoj je smještena arhiva HRM-a u svemu prema ponudi broj: 7-TP/20 od 22.06.2020. godine.

Član 2.

Ponuda ponuđača iz člana 1. ove odluke, glasi na sljedeće iznose:

- a) Za LOT 1 – 5.600,00 KM bez PDV-a (slovima: pethiljadašeststotina konvertibilnih maraka i 00/100) odnosno 6.552,00 KM sa uračunatim PDV-om (slovima: šestihiljadapetstotinapedesetdvije konvertibilne marke i 00/100)
- b) Za LOT 2 – 4.700,00 KM bez PDV-a (slovima: četirihiljadesedamstotina konvertibilnih maraka i 00/100) odnosno 5.499,00 sa uračunatim PDV-om (slovima: pethiljadačetiristotinedevadesetdevet konvertibilnih maraka i 00/100)

Član 3.

(1) Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovore za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine (u daljem tekstu: Odjeljenje za zajedničke poslove).

Član 4.

Centralna banka će o rezultatima provedenog postupka javne nabavke obavijestiti ponuđača.

Član 5.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za računovodstvo i finansije Centralnog ureda Centralne banke Bosne i Hercegovine i Odjeljenje za zajedničke poslove.

MM

Član 6.

Ova Odluka će se objaviti na web stranici Centralne banke www.cbbh.ba istovremeno sa upućivanjem obavještenja o rezultatima postupka ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluga – izrade projekata, za potrebe Centralne banke Bosne i Hercegovine, otvorenim postupkom, pokrenut je Odlukom, broj: 150-15-4-512-10/20 MM od 11.06.2020. godine. U skladu s tim, Centralna banka je 15.06.2020. godine na portalu Javnih nabavki objavila Obavještenje o nabavci broj: 1370-1-2-271-3-172/20.

U predviđenom roku za dostavljanje ponuda, do 20.07.2020. godine do 10:00 sati, za LOT 1 i LOT 2 blagovremeno je dostavljena ponuda ponuđača Urbing d.o.o. Sarajevo.

Komisija nadležna za provođenje postupka javne nabavke (u daljem tekstu: Komisija) je izvršila pregled i ocjenu ponude i zaključila da pristigla ponuda zadovoljava sve uslove tražene tenderskom dokumentacijom za navedene LOT-ove.

Komisija je Zapisnikom o pregledu i ocjeni ponuda, broj: 149-15-4-1587-5/20 i Izvještajem o radu sa preporukom, broj: 149-15-4-1587-6/20, oba od 20.07.2020. godine dala preporuku kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

GUVERNER
dr. Senad Softić



Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Odjeljenje za zajedničke poslove
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original)

mn

fu